

畿

輔

安

瀾

志

畿輔安瀾志

潮河一卷

原委

故道

附載

畿輔步瀛志

潮河一卷

原委

潮河古鮑邱水也亦曰大榆河源出古北口外西北
三百里郭家屯西舊開平衛東南境之廢興州

水經注鮑邱水出禦夷北塞中南流逕九莊嶺東
俗謂之大榆河 一統志潮河發源古北口外三

百里許之郭家屯西古開平衛南境西去灤河源
僅數十里水經注所謂鮑邱水源禦夷北塞中是
也 〔顧炎武昌平山水記〕塞外重山綿亘數百里
有小興州大興州小興州直古北口外九十里大
興州直曹家塞東北距古北口可三日程本漢女
祁縣地洪武三年七月以古北口山外雲州興州
隸北平府永樂元年徙五衛而故城遂廢潮河自
塞外興州發源

二源並發流直舊承德州西南境東南流歷山谷中則有岔口偏嶺龍潭溝兩間房諸水入焉

二統志潮河在承德州西南二派會流東南行歷山谷中 輿圖考潮河二源在上都河之西南發

源嗎尼圖嶺流逕亂山中有小水注之又流逕鶴鶉溝有岔口水入之又東南流逕巴克什營有偏嶺水入之東南流逕兩間房又有小水入之

謹案嗎尼

圖嶺即鐵幡竿嶺也一統志上都牧廠南界獨石北自十三里土人名麻尼圖嶺方輿紀要偏嶺在

開平衛北四十五里或曰即天嶺也胡嶠記契丹
謂曰辭鄉嶺口北三廳志作思鄉嶺在獨石口東
南

謹案直隸全省河圖潮河源出塞外水泉子又南
流爲四岔口又南流逕上黃旗汛城又南流逕大

閣兒又南流逕虎什哈則有龍潭溝水入之

源出古北

口外西北界東南流入潮
河非石盆峪之龍潭也

又南流逕巴克什營則

有兩間房之水注之匯流入古北口

兩間房水未詳或疑卽清

水河昌平山水記所謂要水者
也亦無確據辨見後清水河

計程約三百五十

五里

其水又南流入密雲縣之古北口

水經注鮑邱水又南流逕鎮東南九十里西密雲
戍西有東密雲故是城言西矣 遼史地理志南

京析津府其外有古北之口 金史地理志順州

密雲遼檀州武威軍古北口國言留幹嶺 方輿

紀要古北口在密雲縣東北百二十里兩崖壁立
中有路僅容一車下有深澗巨石磊砢凡四十五

里爲險絕之道亦曰虎北口 畿輔通志水經注

鮑邱水又南逕密雲戍西密雲戍卽古北口關也

二統志潮河自古北口西流入密雲縣界

謹案古北口外東連熱河北屆多倫諾爾可接獨

石口外地直北爲翁牛特烏朱穆秦巴林克西克

騰四部落旗分地亦曰虎北口使遼行程記自檀

州北行八十里又八十里至虎北口館是也其水

多入遼亦間入灤 又案水經注鮑邱水出古北

口外其所經行之地爲魏禦夷鎮密雲戍漢滑鹽
虢奚二縣境方輿紀要禦夷鎮在保安右衛西北
所謂濡源之地水經注密雲戍在禦夷鎮東南九
十里鮑邱水逕其西以鎮與戍境相近賈耽曰密
雲去禦夷鎮幾九百里道元時六鎮已陷沒豈傳
聞之誤歟抑記載之訛歟紀要蓋未之考也魏書
地形志蔚州永安中改懷荒禦夷二鎮領郡三縣
七又蔚州寄治并州鄆縣則是孝昌以後六鎮淪

隋改州內徙非復太武時所置之舊而絕要以爲
禦夷鎮在保安右衛東南者乃永安中改置之鎮
非道元所指稱也其密雲戍道元明云有東密雲
故是城言西則近禦夷者西密雲也昌平州屬之
密雲乃東密雲賈耽所云去鎮九百里者爲今之
密雲無疑西密雲遠在口外金史志興州興化宜
興白檀鎮是也今廢興州正直潮河發源之處則
密雲戍之爲白檀鎮從河意推焉

自古北口而南三里逕潮河營亦曰潮河川

鄭曉吾學編古北口潮河川俱要害而潮河川本元避暑故道尤爲要衝作橋則浮沙難立爲塹則漲水易淤都御史洪鐘雖嘗設有關城勢難孤守議者欲塞川流建石墩數十令其錯綜宛轉下通流水上傳烽火亦一策也 方輿紀要志曰潮河川直衝境外橫濶百七十餘丈夏秋水漲則成巨浸水退則爲坦途可通萬騎地皆流沙不能築城

整凜宏治中撫臣洪鐘議以古北口東三里許二
砦三砦間其山外高內低約餘三丈鑿爲兩渠以
殺水勢復於口外砌石堰使水由川中行仍於堰
內築外關一座以防寇衝詔從之議者謂於柏檀
山築牆則川在牆內鑿之無益旣而功久不成

二統志潮河川營城在密雲東北一百里南去石
匣城四十里西有小城曰潮河川守禦千戶所今
改把總其東爲龍王峪亦有堡 懷柔縣志潮河

川寬處可三里昔人斫大樹倒著水中狹處僅三丈以巨木爲柞其外縱橫布石以限戎馬然水性湍急大雨則諸崖之水奔騰而下當歲修治令水流如故而木柞之制無存矣

又屈而東南流二十里許逕瑤亭子西舊腰亭舖也又南流十里逕石匣城東則有石盆峪水湯河乾塢河清水河會之又折西南流會黃門子河

李如樟三鎮邊務總潮要由河川營至石匣營四

十里石匣營至白馬關四十里白馬關至石塘嶺
四十里昌平山水記自密雲新城北六十里爲
石匣城有石如匣深不可斷故名自會同館東北
六十里爲順義驛七十里爲密雲驛若北里爲右
匣驛自石匣城東北行十里爲腰亭舖始入山又
十里爲新開嶺又十里爲老主店又十里至古
北口水淺則涉潮河水大則紆回從山頂待故石
匣至古北口計程六十里也石匣之東南渡潮河

十五里爲石盆峪有龍潭潭上有石如盆形懸崖而下入於潭潭外爲盆水從潭面厯盆抵峽而下數里入於潮河潭中有石門水淺則見土人曰龍所出入也 二統志石盆峪在密雲縣東北五十里有龍潭狀若石盆周百步許其水清深無底入潮河湯河在密雲縣東北七十里源出司馬臺關口泉南流西折貫古北營城中西出又南入潮河 乾增河在密雲縣東北一百四十里源出口外自

黑峪關流入西流逕古北城內會清水河又西南入潮河要水在密雲縣東北八十七里源出古北口外自牆子峪流入西流會乾塢河入潮河蓋因後魏僑置要陽而名俗謂之清水河黃門子河在密雲縣東九十里源出黃門關口泉水西流入潮

河

謹案潮河一川所入之水多自東北來可馬臺關黑峪關黃門子關皆在古北口之東方輿紀

要白馬關北七十里有湯河又北百里爲滿套兒自湯河上稍正南行順白河至石塘嶺可二百里今考白馬關石塘路俱在古北口西爲白河所經白馬關卽邊牆石塘路在邊牆內湯河流入白馬

河與潮河無與而一統志以湯河由司馬臺入司馬臺在古北口東蓋又一湯河也

密雲

縣志潮河自古北口流入至石匣城東會湯河又乾塢清水諸河折而西南會黃門子河

謹案昌平山水記要水出塞外自大小黃崖口入西流至密雲縣東入潮河俗謂清水河縣曰要陽以此得名方輿紀要同畿輔通志亦因之又有武列水三藏水皆以爲並入潮河考水經注三水皆紀於濡水篇則非入潮河矣紀要爲之說曰水經

要水武列水三藏水並注於濡水濡向樂潮水亦
有灤河之名是遷就成文也潮河之名灤水雖
宋沈括有是語南人不習北水且遠隔異域豈可
以爲確據懷柔志更以爲潮河一名濡河水矣
輿紀要白河在密雲縣城西亦曰鮑邱水亦曰大
榆河直以水經之鮑邱水屬諸白河是先已混白
爲潮而又謂濡同灤灤文有潮之一名則有是也
水俱混矣又水經注三城水入鮑邱三藏水入濡

明是二水說者既以入濡之要水爲入潮遂疑三城水爲卽三藏水此畿輔通志之所以并二水爲一水也

又南流逕羅家橋東又南流逕了髻山又折而西南流逕密雲縣南十八里入於白河

〔王宏緒明史稿地理志昌平州密雲潮河自古北口流入密雲縣界卽折而西南至縣南與白河會卽古鮑邱水也〕〔密雲縣志潮河當縣西南與白

河交會水流湍悍作響如潮聲順義縣志潮河

今自密雲逕入白河不至縣界矣

詳見下
故道

謹案潮河之爲鮑邱水一統志之言足證其源遠

山塞外自來紀載闕如寰宇記云潞河一名沽水

一名鮑邱水自檀州密雲縣流入以其下合沽水

故被以上流之名其實發源自別也至水部備考

云白河源出塞地經密雲縣爲潮河川吳道南河

渠志云白河源出塞地經密雲縣霧靈山爲潮河

川明史河渠志因之云白漕者卽通濟河源出塞

地經密雲縣霧靈山南潮河川

漕河考方輿紀要且皆以爲白河發

源務靈更非

考霧靈山爲白河所經其上流雖相去不

遠而二支分派各有川途陸隴其畿輔地圖記直
云白河又名潮河蓋特據其下流而因併爲一也
明余有丁又云潮河出孤山折而東注西則白河
會之考孤山在密雲縣東南八里獨立平原旁無
附麗潮河之源豈出於此一統志云白河自古北

口流入考白河自獨石口流入非古北口也至方輿紀要云白河亦曰鮑邱河亦曰大榆河既合二水爲一又云鮑邱河在三河縣西南卽白河之別名此是指潮河自密雲縣斷水以下古道其水入於潮河而合於洵河之一支而言

詳見蘄運河篇以爲白

河之別名亦非也 又案水經及注沽水鮑邱水

雖爲二篇其中分合自明經於二水皆云從塞外來注則云沽河出禦夷鎮西北九十里丹花嶺下

鮑邱水則云出禦夷北塞中是本不同也經於沽
水云南過漁陽狐奴縣北西南與濕餘水合爲沽
河又東南至雍奴縣西笥溝注則云沽水又南漁
水注之漁陽之名當屬此秦發閭左戍漁陽卽是
城也而於狐奴縣則又引漁陽太守於漁陽縣開
稻田事明狐奴之爲漁陽屬近也又云沽水又南
濕餘水注之沽水又南左會鮑邱水明鮑邱水至
此始入經也於鮑邱水云南過漁陽縣東

非若沽
水之還

其北又南過潞縣西又南至雍奴縣北

西與北不甚遠也

注則云鮑邱水東南逕漁陽郡治也秦始皇二十二年置明沽水所逕之漁陽卽此漁陽也又云鮑邱水又西南歷狐奴城又西南流注之於沽河亂流而南明卽沽水之左會鮑邱水也下又云鮑邱水入潞通得鮑邱之稱矣明潞卽鮑邱沽亦爲鮑邱可知蓋至此始有通稱也方輿紀要漁陽廢縣今薊州治一統志漁陽故城在密雲縣西南合二

說求之則漁陽當在薊州密雲之間或以爲潮河
不入薊州界太泥漁陽下接狐奴城卽今自密雲
達順義之道也

故道

潮河故道自密雲縣西南流逕懷柔縣東羅山北檀子山南卽白檀山也又南爲黍谷山

昌平山水記懷柔縣東七里爲白河又東十五里爲潮河一統志潮河故道舊自密雲縣逕懷柔

方輿紀要羅山在懷柔縣東十八里白檀山在縣東三十里黍谷山在縣東四十里跨密雲縣界亦名燕谷山鄒衍吹律以溫其氣因名山曰黍谷

山

謹案河起縣東北之王各莊入境南流十四里經羅山莊又西南流三里逕狄家新莊入順義縣北境一統志指此爲牛盆峪所出之水而今猶以潮河目之縣志所云羅山一帶槽道沙石壅積宜加挑濬者則是潮河西通白河之道也

又西南流逕順義縣東北二十里之牛欄山與白河合其東南爲漕河營河水至此又兼潮白之名矣

黃宗羲今水經潮河在密雲縣東南下流至順義縣入於白河 方輿紀要潮河在順義縣北二十里至牛欄山東入於白河萬厯中議者謂順義縣牛欄山而下白河潮河二水交會水勢深廣漕舟易達牛欄山而上水源既分支流自弱密雲城西有白河故道宜於楊家莊地方築塞新口疏通舊道使白河自城西逕流直至潮河交會則水勢至大牛欄至密雲亦可以舟運矣 畿輔通志牛

欄山在順義縣北二十里水經注鮑邱水西南歷
狐奴縣今順義縣漢狐奴地也 一統志明時潮
白兩河猶分流會於牛欄山下自明嘉靖三十四
年過潮河不使入順義境自齊雲合白河於是牛
欄以上潮河故道遂爲白河所經今懷柔縣東有
水自石盆峪南流至於牛欄山入白河乃白河故
道也漕河營在順義縣東北牛欄山東南有把總
戍守 順義縣志潮河入縣境歷榆林村至牛欄

山龍王廟與白河合

謹案河在縣東北境胡家營正支長十四里又分
以支長十三里西南至下坡屯與懷柔縣之懷河
合謂之潮懷合流在牛欄山東北縣志所指亦卽
白河所行之道也

蓋明代漕運所經也

〔明實錄〕世宗嘉靖三十四年二月總督薊遼保定
軍務都御史楊博疏請開密雲白河以濟糧運於

楊莊地方築塞新口使白河之故道疏通於海潮
之水合而爲一仍於密雲城西修築泊岸以防城
墉衝塌之患從之穆宗隆慶六年七月初通漕運
於密雲尋復漕糧五萬石先是總督侍郎劉應節
等言密雲一城環控白潮二水若天開以便漕者
向三水分流至牛欄山始合故剝船自通州而上
者亦至牛欄山而止若至龍慶倉從陸輸輓軍民
艱苦之狀水次露積之虞難以悉狀今白水徒流

西城下去湖水不二百步前於城東北業築三合
土隄障水防城近有疏渠於上填壩於下邀潮入
白合爲一派水漕深便剝船可達密雲無礙漕渠
旣通漕額亦復神宗萬曆七年八月戶部題覆密
雲縣漕糧俱復額餉往時自通州水運僅止牛欄
山又自牛欄山陸運抵鎮歲費腳價繁多居民騷
擾因湖白二河可通漕節經督臣修治二水會合
河流已盛又因洞知衛重鑑建議自通州徑運至

密鎮無倒卸起剝之煩插和偷盜之弊主事曹維
新議添扁淺船二百一十隻新舊共船四百隻俱
令經紀承管撐駕所運糧一十五萬自牛欄山至
鎮城每石四分內扣八釐抵作船價計年扣價還
官以備十年一次更造之費計所給經紀腳價止
一萬二千七百餘兩而每年省什物行糧等費共
銀二千二百餘兩而十五萬漕糧僅以三月通完
費省上下便之經久可行既經督撫梁夢龍張夢

鯉具題宜著成規俱依議 〔胡夏容谷水談林〕宋

初自雒州東際於海有積水議者以爲宜度地形
高下建阡陌浚溝洫所以實邊廩而限戎馬今潮

河川一帶何不倣此過水爲陂則所防止冰堅時

耳 〔附〕順義縣修路治水記邑西北地名楊家井

井邊有路係出古北口大道道值五六月二

十里外北山之水會數百頃地畝雨水歸於一路

直衝大路又上下泛濫三十餘里秋田不收前代

劉公竭力修溝東通白河得免水災邑人感之日
久壅塞章任事五年漸次修理又勸施茶僧人加
土約高五尺中立土橋三洞以通去水頗稱蕩平
奈去水閉塞仍遭水患余與八莊旗民和約三年
內每於二月十六七坎日率近路居住人夫修理
量給飯食人皆踴躍効力勸近水有力之家各加
濟鑿願後賢有司留心田路擴充水道將與前代

劉公兼傳不朽矣

康熙五十五年順
義縣知縣黃成竟

附載

道人溪水

水經注鮑邱水又南左合道人溪水

謹案方輿紀要道人溪在密雲縣東北石盆峪志云源發龍門流逕縣界入潮河非也道人溪水當在塞外不當與石盆峪水混又發源龍門入潮河是仍以白河爲潮河也

孟廣礪水

水經注孟廣礪水西逕孔山南上有洞穴開明故
土俗以孔山流稱礪水又西南至密雲戍東西注
道人水

謹案方輿紀要孔山在順義縣南二十餘里此山
當在塞外不得近屬順義畿輔通志窟窿山在密
雲北百里下有一孔前後通明疑或是也昌平山
水記以廣礪爲卽霧靈山於是說者多有以廣礪
水爲白河之源者又謂霧靈山爲卽水經注鮑邱

水伏凌山之訛以牽合之是一孟廣礪水既入湖
河又爲白河之源有以知其說之難通也辨見白
河篇

白楊泉水龍芻谿水北溪水

水經注大榆河又東南流白楊泉水注之又東南
龍芻谿水自決注之又東南峽逕安州舊漁陽郡
之滑鹽縣南左合縣之北谿水

三城水

水經注鮑邱水又南合三城水

謹案畿輔通志云卽三藏水考水經注三藏水自入濡水以三川派合故有東西中三藏之目三城水無是也辨見前

石門水亦曰桑谷水

水經注三城水又西北逕伏凌山南與石門水合是水有桑谷之名蓋沿出於桑谿也

謹案石門水或以爲卽石盆峪水石盆峪山下龍

潭中有石門疑或是也如以伏凌山爲霧靈之訛而謂潮白本自相通則非也

黑城川水

畿輔通志在密雲縣北四十里平頂山後流入潮河

謹案黑城川水詳白河篇通志所云入潮蓋卽潮河川也黑城川水入白河白河入潮河或謂沽水支分東流與潮河合故白河亦有潮河之一名是

則名爲入潮其實入白也且沽水分支先合正流
後合潮河非由潮入沽也

畿輔安瀾志

灤河卷上

原委

灤河卷下

附載

隄防

橋渡

祠廟

水利

畿輔安瀾志

王履泰恭纂

灤河卷上

原委

灤河古濡水一名上都河又名商都水訛爲山丹河
發源塞外興和故城北獬石口之黑龍山元上都開
平府地東北鑲黃旗牧廠界內之古坦嶺西北流至
胥海河朔之三道河

前漢書地理志遼西郡肥如元水東入濡水濡水

南入海陽師古曰濡音乃官反 魏書地形志肥

如令支城黃山濡河 水經濡水從塞外來東南

過遼西令支縣北酈注濡水出禦夷鎮東南其水

二源雙引夾川西北流出山合成一川又西北逕

禦夷故城東鎮北百四十里北流則連泉水注之

謂之連泉浦右則漢水入焉 謹案方輿記要魏收志又云太平眞君七

年令支并入陽樂水經注濡水東南經 元史地

令支故城舊志云城蓋在遷安縣界也

理志世祖命劉秉忠相宅於桓州東灤水北之龍岡中統元年爲開平府五年以闕庭所在加號上都又興和路唐屬新州金置柔鎮後并爲縣又升撫州 方輿紀要灤河在開平衛南夷人謂之商都元人亦謂之御河大都七年濬上都灤河

一統志興和故城在太僕寺左翼牧廠西南二十里南至張家口百里今在多倫諾爾鑲黃鑲白正白正藍四旗地界卽元上都故地 李實奉使錄

灤水闊不盈丈而中甚深土人以河水青綠急流
呼曰商都兩岸柳條叢生秋時採爲箭桿 口北
三廳志黑龍山獨石口東北一百里案黑龍山西
南卽上都河源所自出折而北流古名濡水今之
灤河也其河土人呼爲上都河以元時上都在水
北岸故名又轉音而爲商都今直訛爲山丹河矣
謹案灤河之名宋以前無之據漢志濡水師古以
濡音乃官反則濡固讀如灤音水經注濡水篇謂

連泉水東北入難河汗水西北入難河濡難聲相近俗語譌耳則濡本誤爲難難又音近於濼後乃直稱濼河耳宋史地理志平州隋置後唐爲契丹所陷改遼興府以營濼二州隸之王曾北使錄自偏搶嶺四十里過烏濼河東有濼州遼史地理志澤州濼河縣本漢無終縣地金史地理志大定府神山縣遼澤州章宗承安二年嘗置惠州陞孩兒館爲濼陽縣以隸之泰和四年罷州及濼陽縣又

右北平元爲平灤路明洪武九年改置平灤府此
皆因灤水而得名也口北三廳志灤河至永平府
界始名灤河王曾北使錄云出偏搶關有灤河然
則契丹以名州元明以名路府皆從入塞至右北
平之後乃有灤河之稱也

在今獨石口東北鑲黃旗牧廠界內之古道嶺蒙古
名巴延屯多固爾山左地多哈達圖大巴汗山右地
名什伯勒圖大巴汗兩水並出涓涓細流

謹案水經注濡水出禦夷東南其水二流雙引夾
山西北流豈卽是歟又云左道則連泉水注之右
則汗水入焉又豈卽左迥右迥之水歟

至平地塔子諾爾蒙古名德爾奔諾爾南衍復西北
流十五里會諾克爾活洛又北五里至巴拉哈爾巴
齊阿林五里至固石蒙古名哈達河朔會噶爾都絲
泰又自西迄東迄北滌洄平衍間斷伏流十五里至
冒達巴十里至四柵欄十八里至馬尼圖二里至昌

海河朔之三道河其源山牛園子壩蒙古名楚庫勒
蘇達巴汗伊黑大壩蒙古名伊肯達巴汗千松壩蒙
古名莫和爾達巴汗三源相距各十餘里分支而出
西流十五里滙爲一河

謹案水經注濡水又東北流逕孤山南東北流呂
泉水注之水出呂泉塢西東南流屈而東逕塢南
東北流三泉水注之其源三泉鴈次合爲一水其
卽此三河歟

又西北三十里至冒海河朔會入于灤灤河得此水
來會而其勢始暢據禹貢夾右碣石入於河註云其
水如遼濡溥易皆中高不與河通故必自北海然後
能達河也

謹案漢志以濡水屬遼西肥如水經注謂出禦夷
鎮資治通鑑註魏世祖破蠕蠕置降人于漠北東
至濡原暨五原陰山分六鎮禦夷其一也又水經
注以赤城之舊虜城爲禦夷鎮則今自開平至赤

城皆其地矣獨石口之古道嶺以開平赤城計之

正在東南與今形勢脗合其所云出山合成一川

者始卽指胥海河朔而言歟又元史河渠志云河

山金蓮川中

金史地理志桓州有烏單濟川更名金蓮川世宗曰蓮者連也取金枝玉

葉州連之義

宣鎮志在雲州西北世宗納涼地

產黃花狀若芙蓉

一明史地理志雲州堡北有深

河東有金蓮川

今由胥海河朔至上都店沿河夾岸開有

黃花與五代胡嶠北行紀所載旱金蓮形色正相

類川名金蓮宜卽以此惟宋歐陽修云灤水出炭

山東北胡三省資治通鑑註遵之後如職方圖方輿紀要及明統志皆祖其說今考遼地理歸化州有炭山又謂之陘頭有涼殿山東北三十里有新涼殿而不言灤水所自出且其地距獨石口數百里中間攢峯疊嶂勢難通流蓋傳聞之誤也

口北三屬

志炭山在興和故城東北遼時消暑之地今獨石口外東一百里所謂黑龍山乃舊炭山也明統志云炭山在萬全縣右衛城南其說似近然其山庫薄後狹殊不稱世主巡遊之地且歷代相承均在版圖之內不應淹沒不傳乃爾遼本紀太祖三年置羊城於炭山北以通市易而金史地理志柔遠

縣有北羊城食貨志固初於北羊城燕子城之間
置惟易北方畜牧謹案燕子城疑卽興和城
也而羊城與之相近疑卽後所稱沙城者是則灰
山在興和之北矣據屬志所辨正則黑龍山卽炭
山寺非卽歸化之炭山耳考黑龍山卽上都之龍
岡明統志上都城有東涼西涼二亭元主幸上都
駐蹕處意卽遼
之消暑遺跡歟

自胥海河朔仍西北流四里會布爾哈蘇泰

蓮案口北三廳志波羅釵察河源出壩外正黃旗
查哈爾饅頭壩西北山內西流滙布爾哈蘇泰河
源出察哈爾正黃旗境內青楊溝壩北流合波羅

金察河

三里至烏克爾赤諾十里至克爾哈達十里至克楚哈喇十九里至西涼亭蒙古名察罕格爾

〔周伯琦詩注〕上京東五十里有東涼亭西百五十里有西涼亭其地皆饒水草有禽魚山獸至離宮巡狩至此歲必校獵焉 〔口北三廳志〕西涼亭上都河店南十餘里俗呼爲蕭糝樓蒙古又謂之察

汗格爾

二里至薩達克圖阿林二十一里至紅城蒙古烏藍
河屯七里至上都店入多倫諾爾界

元史兵志仁宗延祐七年以紅城中都威衛屬徽
政院不便命遵舊制俾樞密領之又於紅城周圍
立屯仍屬中都威衛 一統志沙城又名紅城在
鑲黃旗牧廠四三十里舊興和城北十里 口北
三廳志上都河發源東北大山中其水西北流逕
紅城又北逕開平故城又明安城今人呼爲紅城

子蒙古名諾海霍朔亦曰五藍城五藍華言紅也
在獨石口北一百里又七里潭一名多倫泊土人
呼爲多倫諾爾多倫華言七諾爾華言河泊也其
水清冽中產魚蛤之類天旱禱雨輒應一統志
多爾諾爾在上都收廠東北明安廢驛太僕寺牧
廠南稍西土人呼爲五藍城明初爲開平西南策
三驛城

又一里逕拉馬說隆三里逕塔奔拖羅海

謹案一統志有他賁拖落海山在上都牧廠西南
獨石口西北一百十五里當卽塔奔拖羅海也

十里至紅山嘴蒙古名諾海河朔轉東北流一里逕
巴彥昆堆六十九里逕七鷹山蒙古名多倫峩博圖
二統志七鷹山鑲黃旗牧廠東七十里蒙古名額
倫拖嚙海山額倫猶言鷹也又牧廠北一百四十
里有額倫山蓋亦七鷹之一

三十里逕青城蒙古名波羅河屯

口北三廳志一統志威鹵廢驛今牧廠地上人呼
爲博羅我在獨石口東北一百四十里明初置驛
於此爲開平西南第二驛案蒙古呼波羅河屯猶
華言青城也在明安城東北六十里

二十里逕馬尼爾圖阿林十五里逕鄂拖海二十里
逕烏蘭哈勒哈

二統志紅羅山在上都牧廠西直獨石口北一百
五十五里蒙古名五蘭哈爾哈山

六里逕圖爾楚克八里逕烏里雅蘇泰三十里逕伊肯門楚克五里逕哈達圖

二統志哈達圖山鑲黃旗牧廠北九十里

五里逕巴汗門楚克三里逕野馬圖八里逕庫爾圖巴噶遜十里逕恩楚海十里逕烏蘇圖十七里會喀喇烏素

謹案口北三廳志石頂河源出伊克腦兒西北流注昂古里泊土人呼喀喇烏蘇河是也又引一統

志黑水灤正白旗西北一百四十里蒙古名喀喇
烏素又鴛鴦灤張家口西北正黃旗牧廠東六十
里土人呼昂古立腦兒哈柳台河喀喇烏蘇數水
注其中則石頂河卽黑水灤而昂古里泊卽昂古
立腦兒也

八里逕哈達圖戕博二十里逕什巴爾泰六里至上
都城西折而東流五里逕上都城南會察汗諾爾

周伯琦扈從北行前記察罕腦兒猶漢言白海也

水深不可測氣皆白霧 又北行後記由上都南
宿六十里店納鉢越三日至察罕腦兒由此轉西
至懷禿腦兒猶漢言後海也曰平陀兒曰石頂兒
土人名爲鴛鴦澳國語名其地曰納鉢曰遮里哈
喇納鉢猶華言遠望則黑也自是而西則屬興和
路矣 〔金幼孜北征前錄過大伯顏山行數里遠
望如水近則如積雪乃是鹹地又行十餘里過凌
霄峯

謹案突林諾爾獨石口北一百四十里周四十餘里距紅城北二十里婦卽元之察罕腦兒也口北三廳志白梁卽白海金曰勺亦勒元曰察罕腦兒各因國語異名案其方位實非有二續宣鎮志以爲在洗馬林及膳房口外者誤也惟是北征錄所載鹹地稽其道里似屬相近但屬從北行記云水深不可測而北征錄不言水則或者非此地歟抑過時正值風雪乃未之詳考歟

五里逕阿义圖十里逕烏蘭峩博圖五里逕獨石十
三里逕上圖說隆十三里逕赤諾圖達巴漢七里逕
巴彥朱爾克阿林

謹案一統志牛心山上都牧廠東北直獨石口東
北二百四十里土人名巴顏朱爾克山豈卽是歟
十里逕勒素阿林八里逕察汗峩博至火石山蒙古
名义鵠爾泰會克峰河蒙古名克依奔必拉折而南
流五里逕白城蒙古名察汗河屯

〔口北三廳志〕上都河北逕開平故城又折而東北
至白城逕圍塲白城開平故城東北六十里周二
里餘東西南門各一遺址尚存案永樂北征記二
十二年親征阿魯台五月乙卯次開平丁亥發開
平次武平鎮丙申次清平鎮卽元之應昌路自開
平至應昌必由白城以道里計之卽當時所謂武
平鎮也宣鎮志以爲白城今雲州東北一百里金
世宗納涼之所章宗生於此案世宗納涼在金蓮

川章宗生於水井地無所謂白城之名且白城去
雲州亦不止百里鎮志之說誤矣

十里至滾金布拉克三里至磴口會爾登泉蒙古名
厄爾德尼布拉克十二里至大河口會圖魯根必拉
一里逕固爾板哈達五里逕我博圖諾爾一里會薩
代布拉克二里會和洛圖布拉克六里逕伊肯和洛
圖二里逕巴汗和洛圖一里會海拉蘇泰必拉一里
會蒐吉布拉克轉西南流一里會渾齊布拉克十里

會察汗郭勒十一里至外查棚會什巴爾泰必拉二
里逕洛博井阿林二里逕庫蘭阿幾爾汗四里會克
楚布拉克三里逕阿爾撒蘭我博四里逕寶吉烏喇
亦名寶者五里逕鴈搏灘五里會柳條溝蒙古名布
爾哈蘇太入四旗廳界

謹案多倫諾爾廳正東至圍場正藍旗烏蘭哈爾
哈界四十五里東南至四旗廳森吉圖壩梁界七
十五里正南至石柱子杏子溝係正白旗界二百

三十七里西北至鑲白旗查哈爾印房界二百五
十里正西至正白旗查哈爾印房界三百一十五
里東北至正藍旗查哈爾印房界三百五十餘里
正北至博落裕社爾正黃旗界二百里四旗廳駐
劄處在舍利塔拉河東北 又案口北三廳志布
爾哈蘇太河卽波羅哈蘇太河源出正黃旗境內
青楊溝漸青楊溝豈卽柳條溝歟灤河自冒海河
朔西北流已會布爾哈蘇太至此又復會焉豈支

流岐出抑始會其末流而此則會其源耶

仍西南流十七里逕半壁山會小螺絲溝又五十八里會頭道河

謹案遷安縣志半壁山在桃林口劉家口外至口六十里至葡萄溝與撫寧接界有獅子溝豈即小螺絲溝之譌耶未知是否 又案口北三廳志頭

道河源出山西豐川衛包家營東流至北槽碾溝與二道河合二道河源出張家口西北壩外東流

過石嘴子合頭道河東與蘇祿計河合東南流入
柴溝堡口卽東洋河也此另一頭道河蓋無名之
水卽以頭道二道三道稱之無所分別也

轉東南流二里老米塔子自西注之又三十二里至
木廠又二十四里至蕪菜梁折而東流九十五里逕
小遼東至瓜地湯泉自南來注之

謹案熱河上流四支四溝廟兒溝自北發源迤西
有湯泉此則入熱河之湯泉也湯泉不一大都以

溫得名舍利河土名舍利塔拉河由花子營發源
河之東北境卽四旗廳駐劄處其南則波羅腦汛
由波羅腦出境東與喀喇河屯交界入於灤河計
其方位當是也豈卽所謂湯泉歟

又二十七里會小灤河

謹案灤河從圍場而南由閻王鼻子入境上流注
於東南小灤河小灤河俗名也別發源出於圍內
至沈家屯與大灤河合自此遂名灤河西界直森

吉圖汎河迤西南則當四岔口地

又二十七里逕郭家屯北至魚亮子折而南流四十
六里至大對山折而東流三十四里至板櫈子轉東
南流五十六里至興隆莊南入喀喇河屯界

二統志灤河逕開平城南東流折而南至郭家屯
入承德州復東南至喀喇河屯

又東南流五十九里至五道河轉西南流四十九里
逕雲臺山下張博灣會興州河折而東流四十一里

至藍旗梁

方輿紀要灤河東南流逕古北口邊外小興州東
又東南與邊外九道流河及諸小水合勢始大

〔明統志〕興州故城在雲州東南五百五十里

又三十五里繞

宮牆會伊遜河逕喀喇河屯北三十四里至石門又四
十七里至鳳凰嶺會熱河

方輿紀要以遜川在開平衛西南又西至小興州

五十里

謹案卽伊遜河也

二統志灤河至喀喇河屯入

宜孫河

謹案亦卽伊孫河也

謹案熱河卽武列水上流有四支四溝平台自西北發源入古都河古都河發源荒地，下流入熱河，大壩自北發源謂之茅溝，下流入熱河，廟兒溝自北發源，迤西有湯泉，東會廟兒溝，水下流入熱河，四派之水演漾蜿蜒合而爲一，由此而南則爲熱河，熱河東。

行宮在焉其南則僧冠帽山雙塔山在焉古都河由圍
內入境合於灤河東屆荒城汛近東南有毛溝口
熱河交界由中關南店出境

折而南流四十三里逕雞冠山會白河

遷安縣志雞冠山距城六十里形似之在馬蹄峪
西 薊門考灤河至近邊與流河白河瀑河清河
合河之水交會其勢始大

謹案白河由窩哨子發源方輿紀要白塔川在古

北口外二百餘里

又三十三里逕鯽魚坑會老牛河又三十三里有滴水崖自東注之又十七里會南兒河又十五里會柳河

遷安縣志捧馬嶺距城八十里自採樹嶺西五里有將軍山又西爲柳河峪石塘峪亘十里爲釣臺臨灤有孤石漁人集之山下爲滴水崖無泉而涓不絕 樂亭縣志灤河自邊外折而南逕古北口

邊外小興州又東流爲九河柳河水注之柳河卽

遼史所云自松亭趨柳河者是也

謹案東都事畧劉敞奉使契丹

博聞強記素知山川道里契丹自古北至柳河回曲千餘里敞曰自松亭趨柳河其徑不數日可至

中京何不道彼而道此契丹不虞敞知相顧驚愧

又一里會車河又十六里至德盛煤窯又七里逕猴

兒山至仁義煤窯又九里至門子哨入遷安縣界

漢肥

地如縣

謹案永平府志鐵門關老子谷下爲團頭寨其東

三里橫截如劈不可越隔灤而西爲樓子山又名
猴兒山則是樓音近猴而因訛樓子爲猴兒也又
遷安縣志門子哨在潘家口外而樓子山乃在縣
城西四十里則此猴兒山當又是一山又遷安之
樓子山在清河之東乃太平營之清河也或又因
清河之名而譌未可知清河辨見下

又六里逕天成煤窯會黃花川又三十二里會清河
方輿勝畧黃花鎮以東厯密雲馬蘭太平燕河屬

於山海謂之東關以西歷居庸白羊紫荊倒馬屬
於龍泉謂之西關昌平山水記黃花鎮直天壽
山之後當居庸古北二關之中而北連四海冶皆
人所謂擁護山陵勢若肩背者其水曰黃花鎮川
河

謹案樂亭縣志灤河又東至官寨與清河合非境
內之清河卽水經注所云敖水也在遷安縣西北
七十里又於出灤州五子山之清河云一作清則

是清河卽青河而并有兩青河也今考灤水所會
共有三清河此清河當是口外所會也考黃花川
門子哨俱在潘家口外又鐵門關外亦有黃花川
鐵門關與黃花川中間止隔喜峰口耳畿輔通志
灤河又東南過潘家口鐵門關水注之鐵門關水
源山口外自鐵門關入口又西出喜峰口而入於
灤遷安縣志鐵門山距城百八十里至關二里外
有大潭喜峯水之源也疑卽爲清河又考八溝西

南有清河一道係龍鬚水諸澗水匯流成河接近
遷安縣界與灤河通相距廳治一百三十里又多
倫諾爾地圖有閃電河其河有二源一支自剛夏
免壩發源一支自多倫諾爾廳界發源二源合流
由鑲白旗地方至多倫諾爾廳二百八十五里自
南而北至開平故城繞而東至大河口自大河口
由熱河流入潘家口又有二道泉頭道泉黑水嘴
水源謂之鄂爾臘河在多倫諾爾地方合於閃電

河之下流大河口亦名清河證之熱河諸水圖清
河不與灤河合或謂此河卽灤河惟名差異耳又
謂其水清故亦名清河今存以備考曰又案滹水
又東南流右與要水合水出塞外三川並導謂之
太要水也東南流逕要陽縣故城東本都尉治王
莽更之曰要術水矣方輿紀要要水在密雲縣東
北亦曰清水源出古北口外自大小黃崖口流
境至縣西北又東入於潮河又東北有武列水亦

曰三藏水其水三川派合水經注武列水要水三
藏水並注於濡濡同灤湖水亦有灤河之名則是
以潮河爲灤河而以水經注之要水爲清水且以
要水屬之潮河而濡水反無要水矣今要水已不
可考或清水卽爲要水而所謂鐵門關及龍鬚門
汛諸澗閃電河之二源卽爲當日之武列三藏水
均未可知而潮河爲古鮑邱水入鮑邱者爲三城
水而非三藏水則要水之不入潮河斷然矣並辨

見潮河篇

又九里會瀑河

卽豹河

謹案瀑河上流凡三支車輪峽水自西北發源入瀑河楊村溝自北發源入瀑河五虎馬後水自東北發源入瀑河瀑河上匯三河之水下流總匯於灤河灤河北則八溝廳駐劄地西則七溝入溝界車輪峽南有東楊樹溝自北注於灤河朔陽洞雞冠山皆在其西境 又案入灤之瀑河諸志所不

詳或以爲卽永平府志所載鐵門關之水亦無據
意北易水爲南濡而南易水有瀑河之一稱北易
合周易是濡合瀑也因誤移瀑河之名於入灤之
水未可知也

又二十一里逕石柱子至煖河灘灘方長約半里地
氣和暖雖嚴冬蒿草猶青又十一里至磨子喉相望
數武而石山中踞河勢盤曲故名

謹案永平府志遷安石門子關南半里河中珠山

獨立如砥柱關西八里爲白羊口又鐵門關老子
谷下爲團亭寨下片石長十丈出於灤而山因以
片石名豈卽石山歟未知孰是又水經注濡水又
東南水流回曲謂之曲河鎮東北三百里又東出
峽豈卽所謂磨子喉歟

又二十一里至潘家口轉東南流十里過走馬哨潘
家口前後灘哨甚多惟走馬哨亂石磷磷或出或沒
舟楫蜿蜒而下較他哨爲險又二十四里與澈河合

李如樟三鎮邊務總要由團亭寨三里至潘家口

關外通喜峯口大川河口 方輿紀要激河在縣

西北百里源出口外有三源並導雨溢則深廣晴

則淺涸合流入遼化縣界龍井關一名強河以波

流洶湧也至趙家莊南二里合於灤河趙家莊志

云在縣西北七十里 畿輔通志激河在遷安縣

西北一百六十里源出口外由龍井關流入至縣

西漢兒莊南東注灤河 永平府志激河之源正

一旁二一曰黑水自龍井口外七十里喬家嶺河
多石溢涸有常發於半嶺由三台關南入一曰橫
水南自洪山舊關嶺西從三道嶺雨溢則深二丈
廣倍之晴則廣不過丈深尺合關北出口外孤石
西入激其正源自黃崖陰過大安山後黃門子二
百餘里會橫水而入龍井關合黑水過漢兒莊繞
釣臺至桃源莊入灤壽星山陰陽諸水亦入之其

流洶湧名爲強河東麋石有鐵椿

謹案鐵船椿正
烟墩山下灤河

之上鑄鐵於石水經注逆水乳流東北注濡又東南經盧

龍寨是已

諸案橫水入濼不入激詳見下又水經注濡水迺孤山南東北流呂泉水注之

呂泉水東迺孤山北又東北逆流亦注之所謂逆水亂流尚當遠在口外其云又東南迺盧龍寨中閭迺歷諸水正多府志以激河爲逆水亦不足據也

又三十里迺烟臺山團亭寨又三十八里與恒河合
方輿紀要鐵門關南十五里爲窟窿山山多洞穴
自洞口而西十里爲西山嶺卽喜峯古松亭山也
南行二十里曰小喜峰又西南二十里曰老子谷

下爲團亭寨灤水由此流入境隔灤水而西爲樓

子山畿輔通志恒河亦曰橫河在遷安縣西北

一百里源出景山之北經三屯城北而東合山谷

諸水過中峰山而西入灤永平府志恒河源出

三屯城西北

詳案畿輔通志引府志脫西字

景山之陰王四家峪

流達城北而東三里會山麓諸流廣二丈深數尺

至遷安中峰西與灤合

又三里至舊城村折而東流十一里至米峪口與長

河合

方輿紀要遷安縣西北九十里又有長河合口外
諸川亦南入於灤河志云長河卽水經注之黃維
水也 畿輔通志長河在遷安縣西北九十里源
出口外流入董家口關東逕青山營又逕太平寨
西過稔子口合於灤 永平府志長河自口外聶
門龍鬚三岔入董家游鄉而東下及青山關營合
駐操營南太平寨西二十里而下稔子口 遷安

縣志五虎山距城七十里原名九山下有九泉匯而入灤長河合於山北卽米峪口大路

又六十三里與清河合又七里至歸口自入潘家口山勢大開至此則一關鎖也兩岸怪石參錯不通行路過此山勢仍復開濶由歸口轉東南流至峽口與蛤螺河合

畿輔通志清河在遷安縣西北七十里有二源一出大嶺寨西二里之溫泉一出口外之水湖洞至

城子嶺合而流入口逕太平寨合蛤螺河蛤螺河
卽口外之乾河川亦由城子嶺而東與清河合流
過長峯嶺至官寨下入灤水經注東得潤水又會
敖水逕令支過城東

謹案方輿紀要引志以長河爲卽水經注之黃維
水永平府志同府志又以大嶺寨之清河爲敖水
以蛤螺河爲閘水通志因之考水經注黃維水盧
龍塞西南流注濡水又合屈而注得去潤水又會

敖水二水並自盧龍西注濡水則是合潤水敖水者黃維水也黃維水當是清河非長河也又此清河在灤水合澈河恒河長河之後別又一清河

又案蛤螺河自樓子山南入灤河遷安縣志樓子距城四十里相傳縣城發脈之山又名猴兒山永平府志蛤螺河夾過太平寨前長嶺峰合長河東至官寨下入灤則仍是清河其云合長河誤也

又二十九里逕遷安縣西抵黃臺山

方輿紀要黃臺山在遷安縣西約三里山多黃玉
其狀如臺故名灤水逕其下又西南十二里曰龍
泉山山腰有泉亦曰聖泉

又二十三里逕風山與二道泉合泉源混混水勢振
蕩

遷安縣志嵐山距城三十里天雖晴霽氣發如蒸
遙望翠色疊疊沙河經之黃臺山距城三里灤水
自西北來經其右南流至嵐山折而東流

漢書太僕襄宇記盧龍縣藍山後魏輿地風土記
云盧龍西四里有藍山其色藍翠重疊故名
之則是嵐山卽藍山也

又有三里河一名粟孤水自北來兩泉合流入之

方輿紀要粟孤山遷安縣東北三里四無連屬屹
然獨峙下有三里河南流入海水 畿輔通志

河又東過黃臺山之箕石去遷安縣三里納粟孤
水水源出遷安北小寨南逕粟孤山麓南至盧溝

堡注灤俗亦謂之三里河灤河至此其勢愈大每
夏秋水盛波濤澎湃渺若江湖 永平府志岳孤
山在遷安縣東北三里獨峙下爲三里河源自城
北小寨平原而經其麓迤窰莊南而西至盧溝狀
台灤盛夏愈冷嚴冬不冰

謹案岳孤山通志一名耀孤山則是要孤爲耀孤
之譌也

又十三里逕龍泉山至山東莊南入盧龍縣界

漢肥如縣

地

隋書地理志北平郡盧龍 遷安縣志龍泉水距城十五里山崩聳秀灤水繞帶西接瓜村山

東南流十一里至孤竹城

漢書地理志令支有孤竹城莽曰令氏亭應劭曰故伯夷國 水經注濡水又東南至盧龍故城東漢建安十二年魏武征蹋頓所築也又東南逕令支故城東魏氏土地記肥如城西十里有濡水南

流逕孤竹城西右合元水也 方輿紀要孤竹城
永平府西十五里括地志孤竹古城在盧龍城南
十二里今故蹟已不可考城或後人所築而冠以
故名云

又十八里逕首陽山至盧龍縣西至南坵莊轉正南
流十七里過虎頭石與青龍河合

隋書地理志北平郡盧龍有元水盧水涅水閭水
太平寰宇記盧水一名大沮水今名小瀟水北

自營州柳城縣界流入 方輿紀要首陽山永平

府東南十五里峯巒高聳下爲溪谷一作嶺山說

文以爲首陽山也或以爲卽古孤竹山

譚案首陽山論語註

馬融曰首陽在河東蒲坂華山之北河曲之中史記正義夷齊餓死于首陽山在隴西戴延之西征

記雒陽東北首陽山在遼西莊子註兩山今渭源縣首陽山在岐山西北宋白北蕃地里志首陽山

在平州其說不同據括地志蒲州河東雷首山一名中條山一名歷山亦名首陽山今蒲坂有夷齊

祠兼有二聖墓人皆信之未知孰是意永平之山本名孤竹山人慕高餓之節遂亦以首陽名之與

而永平府志又云南臺左爲首陽山右爲孤竹山則兩山也 水經注孤竹祠在

山上城在山側今山陰卽古孤竹城漆河在府城
西門外源出塞外土人呼爲烏填河南流入桃林
口名青龍河經遷安縣東南沉至城西爲漆河與
灤河合流而入深州界畿輔通志青龍河亦曰
涼河在遷安縣東北七十里源出都山東田冷口
關流入逕建昌營南與白洋河會又南逕盧龍西
南入於漆卽古盧水之小沮也永平府志自東
口外都山以西有青龍河涼河者乃青龍也水經

注元水逕肥如縣故城而西南右會盧水者沮水也沮水源從境外都山東南龍王廟豹崖之三岔又二十里合寺兒崖三溫泉十里入冷口關冬煖夏涼謂之冷池劉家關西之煖河過徐流管北溫泉長流可陷白羊河從境外入關下泉湧不竭南繞及石門白道諸流至建昌營南而乾若澗則並通青龍是小沮也又六里爲峰山青龍過而下至孤竹故城之陰中流有石爲砥柱焉其大沮自古

陽樂縣東北陽山出泉曰白溝過大石如槽俗謂之駟槽其西南爲陽口 遼安縣志青龍河距城七十里源於口外刀兒鐙西北衆山溝入桃林口經鹿尾山而西南至萬軍會諸水至盧龍界下虎頭口會灤

謹案水經注小沮水發冷溪世謂之冷池卽永平府志所謂涼河也又南得溫泉水口卽府志所謂關西之煖河也府志旣以涼河爲青龍河則青龍

河者小沮水也乃又云白洋河並通青龍河是小
沮也則白洋亦爲小沮畿輔通志青龍河與白洋
河會南入於漆卽古盧水之小沮是也乃又云白
洋河卽大沮水也合青龍河何耶又永平府志以
古陽樂縣之白溝爲大沮所自出卽水經法所謂
盧水出縣東北沮溪南流謂之大沮水又南左合
陽樂水其水又西南入於沮水謂之陽口者也通
志謂白洋爲小沮以白溝河在盧龍縣東南十五

里入青龍河卽古陽灤水也乃又以白溝爲大沮
者誤而以白洋爲卽水經注水出沮溪之大沮亦
未免滋惑

文十一里繞雪風寺西南二十里逕谷龍山與橫河
合

方輿紀要灤州橫河自盧龍界流入遼橫山之麓
故名 畿輔通志在灤州北七里源出盧龍縣獨
子山南逕橫山營又東至泡皮淀經榆山後至偏

涼汀合樂卽古瓠溝水也 盧龍縣志有獨子山

距縣二十五里會聖安之流及清涼山泉爲橫河

謹案此又一橫河也非前恒河之橫河又雪風寺

乃雪峯之譌縣志城南二十里雪峯島有雪峰寺

又三里逕武山瓦崙山至偏涼汀入灤州

漢海陽縣地界

轉東南流五十六里逕巖山至定流河入樂亭縣界

水經注濡水自孤竹城東南逕主鄉北瓠溝水注

之出城東南東流注濡水濡水又逕牧城南分爲

二水北水枝出世謂之小濡水也東逕樂亭北東
北入海濡水東南流逕樂安亭南東與新河故瀆
合方輿紀要橫山東麓臨灤河石立水激有潭
極深號偏涼汀志云舊漕運泊舟處也巖山在灤
州南五里狀如虎踞其東絕壁百仞有洞十有八
下有石橋一郡水口也畿輔通志偏涼汀南去
州五里其地山環水繞林木森爽無風自涼故名
灤河又南五十里至岳婆沙港入樂亭縣界東岐

爲三左曰胡盧河右曰定流河入永平府志橫河
入橫山營後北沙岸下東至泡石淀經榆山後劉
家莊至偏涼汀而合樂亭無山其水承灤下流東
北三十里曰胡盧河西北三十里曰定流河夾縣
而下胡盧河今淤惟定流河爲經流至縣西南四
十里入海樂亭縣志灤河南入灤州界與橫河
合又南經巖山石橋與別故河合又南五十里至
岳婆沙港入縣界分爲二東水支出曰胡盧河西

三淀一作流河

又三十六里至老河口西南二十里至小河崖與清

河合

小河崖一作小河沿

水經注新河又東與清水會水出海陽縣東南流
逕海陽城東而南合新河新河又東會於濡方

輿紀要清河在樂亭縣西三十五里一名西清河
源發州南八里之煖泉澗二丈許分流爲新砦狼
河介馬諸河永平府志樂平縣西二十里次榆

垞社曰清河又十里大家垞曰新寨河火燒佛社
曰郎河又四十五里吳家林社曰介馬河皆清河
也 樂亭縣志青

亦作清

河源出灤州西五子山東

五里有大泉騰沸流逕州南八里曰八里河又逕
料馬臺至邱官營伏入地中俗名地橋又東南二
里逕閻家莊復見爲龍溪分爲二派東派出南閻
頭東南行至小營兒入縣境又九里至小河崖合
灤河入海俗呼曰清河其西派由龍臺寺西南經

破橋合沂河古董河四南至蠶河口入海在濼境
東南七里李石家垞濼自此分支名高密河今濼大
雨時仍分流達海

〔樂亭縣志〕海支港曰于家河湯家河園子河高密
河一作高糜河縣西南二十八里

〔謹案〕縣志有石臼垞在月垞西以爲古時漕運至
此居民市店疑卽石家垞也

又六里逕馮頭營轉西南流二十五里逕蝦網浦居

民捕魚蝦爲生地鹵不育禾稼也又二十三里至新橋口入海通長二千一百零一里

方輿紀要新橋營樂平縣西南三十里有城周二里郡志新橋海口舊有巡司 永平府志灤州二

十里曰清河又古懂河在州城南門十里源自併

城南經石橋而入又南經歇家橋高家莊而合大

田汨南十里達公安橋又十八里經石角坨又東

五里至馬頭營又南二十里達綠洋八海

蓬萊石
前坨疑

卽石家
坨也

樂亭縣志知縣陳金駿詳文查本縣樂

河由汀流河抵海里數東岸自姚家新莊始抵沙
鋪五里河身廣二十餘丈深丈餘自沙鋪至西岸
汀流河六里河身廣三十餘丈深丈餘西岸自汀
流河與灤州交界起抵石各莊三里自石各莊至
賈各莊四里河身廣五六丈深一二丈不等內有
沙灘一面寬三四尺深二三尺不等勢漫小船可
行自賈各莊至新立莊六里河身廣三四丈深

七八尺不等自新立莊至小聖廟三里河身廣一
二十丈深六七尺不等小聖廟東邊流河八里河
身廣四五丈深五六尺不等東有河套比大河較
寬船山四行自邊流河至馬家渡口六里河身廣
五六十丈深二三丈不等自馬家渡口至嵩林渡
口六里河身廣四五十丈深四五丈不等以上河
身俱係沙底自嵩林渡口至老河口七里河身廣
八九十丈深七八尺不等係泥底自老河口至墊

子渡口十里河身廣五六十丈深八九尺不等自
墊子渡口至常家渡口六里河身廣二三十丈深
八九尺不等自常家渡口至小河沿七里河身廣
五六十丈深七八尺不等內有土坎二道小船可
行水陡流自小河沿至石家垞十里河身廣四五
丈深丈餘自石家垞至馬頭營三里河身廣二十
餘丈深二丈餘自馬頭營至清河口入海二十五
里河身廣十餘丈深一二丈不等以上河身仍係

沙底統計東岸自姚家新莊起至清河口凡一百一十六里西岸自汀流河起至清河口凡一百五里

謹案水經注又東出峽入安州界東南流逕漁陽白檀縣故城地理志曰濡水出縣北蠻中漢景帝詔李廣曰將軍其帥師東懷弭節白檀者也要水東南流逕要陽縣故城莽曰要術又東南流逕白檀縣濡水又東而南索頭水北流南逕廣陽僑郡

西魏分右北平置今安州治考魏書地形志密雲
郡領縣三密雲要陽白檀而安州屬正平郡皇興
二年置治方城天平中陷元象中寄治幽州北界
方城屬廣陽郡說者謂水經注之所謂峽疑卽是
古北口安州實今密雲縣地濡水本從古北口流
入密雲迤東而趨遵化州入遷安或後魏時濡水
入邊城至永平故道安州密雲一路歲久湮塞抑
濡水亦如黃河之易於遷徙而其流別出於潘家

口其說似也特由古北口入逕密雲縣者爲潮河
若灤河亦由此入則灤與潮合矣此沈括所以謂
潮河爲灤河而紀要以潮河爲亦有灤之一稱而
清河白河灤河以致諸水混移其名於入灤之水
所自來也其實灤與潮自是兩水各不相合水經
注濡水出禦夷鎮東南西北流鮑邱水出禦夷鎮
南流鮑邱水無北流而濡水則自西北而東北而
後東南其所經歷最爲險遠自東南流入口與鮑

邱水所行之道差不甚遠則是其所經之漁陽白檀亦卽鮑邱之所經特非同自古北口入耳地形志密雲郡治提攜又曰白檀郡治水經注鮑邱水又南逕僂溪縣故城東僂溪卽提攜也其同爲濡與鮑邱所經歷可知又水經注濡水篇三藏水又東南流與龍芻水合其於鮑邱水篇則云大榆河又東南龍芻溪水自決注之曰決注則決而始合不決則不合也其爲濡與鮑邱本不合流可知且

水經注於鮑邱水云南流逕鎮東南九十里西密雲戍又云有東密雲故是城言西其非今之密雲可知又陳壽魏志田疇引軍出盧龍塞塹山墮谷五百餘里逕白檀厯平屠登白狼望柳城則白檀亦在塞外可知 又案渠河出於極邊口外諸水名目必待繙譯而始通又盈涸隨時盈則通流一涸卽爲旱溝尋求不易今將水道所經及所合諸大水詳載於篇皆按程履地而得之者其餘諸書

所載入灤河之水皆詳附載卷中

澗輔安瀾志

臣
王履泰恭纂

灤河卷下

附載

香河源發開平廢縣東北松林中南流合於灤河

簸箕河閭河亦發源松林中西南流與灤河合

兔兒河發源開平廢縣西南一百餘里上沙渦中東

流合入灤河

謹案以上皆見明統志

榆河上都牧廠東界蒙古名海拉蘇台猶華言有榆樹處也直獨石口東北一百五十里源出永安岡東流入上都河

額爾通河上都牧廠東直獨石口東北一百五十里源出萬歲山東北流至查漢城東南入上都河

撻魯渾河上都牧廠南直獨石口東北一百二十里源出興安嶺流入上都河呼蘇烏素泊上都牧廠東

北界此泊水流出爲木虎爾衣扎河西南流會克蚌
河注上都河

謹案以上見一統志

厄爾騰河

口北三廳志多倫諾爾西發源厄爾騰布拉克土
人呼爲爾登布拉克猶華言泉也東北流逕葉宗
善因二寺前又東北至磚瓦窯又折而東南入上

都河

舍利河俗名舍利塔拉河由花子營發源河之東北
境卽四旗廳駐劄處其南則波羅腦汛由波羅腦出
境東與哈喇河屯交界入於灤河

白燕溝自森吉圖南流東逕山神廟入於灤河

白虎溝自圍內南流有水自張三營西流合焉逕紅

旗撥入於灤河

或以爲依
素河也

以上見直隸全省輿圖

寬河

遷安縣志寬河一名豹河流百里入灤永平府志自東口都山以西有青龍河又西有寬河產金沙

肥如水

水經注盧水又南與溫水合水出肥如城北西流注於元水方輿紀要肥如河永平府東二十里亦名濡河源出口北流逕部落嶺又西流入於漆河志云肥如水在府北十二里初由上水關入城

繞出下水關注漆數經水患乃塞上關堰水由北
城外西行南流而入漆水或曰卽漆河之支流水
經注所云小濡水是也

菘豆河

灤州志菘豆河在州西北三里發源自銘碑莊金
泉在州城西三里演武亭北泉上亭名金泉南流
入蓮花池達於別故河逕曹家坎北下過府君廟
西流至堰二水會南流五里經李家莊前東一路

逕巖山橋西四里入於灤久淤塞

別故河

方輿紀要別故河在州西北二里發源州西北廟
兒山東南流過巖山下 灤州志別故河合萊豆
河入灤計長二十里積雨久則爲河今現涸

沂河

方輿紀要沂河在灤州西十二里志云大沂河源
出盧龍縣界馬家莊西南流逕州西北二十二里

之佛住山又南合於小沂河小沂河出州西北二
十三里之烽火山東南流經雙山下又南六里合
大沂河 灤州志大沂河在州城西十八里發源
盧龍縣馬家莊經栗園折南經三岔院折西轉佛
住山南經陽家院東南片萊山東南經波落橋又
東南經御駕橋又南經于家泊又東南入青河又
小沂河在州城西十二里發源烽火山東港經拐
頭山過雙山入大沂達於青河

古懂河

方輿紀要古懂河志云在州四十里又南合大田
泊諸水滙於青河 灤州志在州城南四十里發
源倂城其北當石佛莊南逕石橋會於河以入青
河

陷河

方輿紀要陷河在灤州南五十里源出于家泊滙
大小羣川至蠶叢口入海 永平府志灤州南五

十里爲陷河源自倂城于家泊至泊滬港一名韓家泊會破風港於倂城西其北十里爲龍堂河源自李家莊有七里港又北十里有吳家河源自清河並經豐腴屯入倂城而會有緇家河源自榆子林社游觀莊亦會於屯西南下經曲王店孫家坨至於王塚港瀾漫於白河坨南又經胡家莊至印步甸別爲周家河又西梁魚溝南經天井達蠶業口入於海漕河之故道也

小青河一名靳家河自曹家河漕經李福莊計長六十里

方輿紀要靳家河在灤州城西南八十里發源游觀莊南經柏樹莊入於海永平府志小青龍河自游觀五十里經司一司二社又南二十里至黃坨河又二十里經栢家莊寬頭河散流於潮河潮河在州南百三十里海水蕩涵流延百餘里乃黑

洋海口

烏灤河

王曾北使錄自偏搶嶺四十里過烏灤河東有灤州因河爲名

東灤河卽葫蘆河

樂亭縣志葫蘆河卽東灤河東北爲買灘哮喘囉東爲黃瓜口堡迤西則胡家坨東南則華巖寺黑坨自景泰以來河身淤塞俗謂之乾灤河

綠洋溝在樂亭縣

方輿紀要溝出岸二十里遙亘如帶中多鱗介之

利郡境羣川悉匯於此

戴家河俗名代家河縣西北六里

杜家河縣東十七里

苑家河縣西南六里

董家河縣西南八里

三岔河縣西南九里

以上五河俱灤河支河

韭菜河

永平府志樂亭縣東二十里沙城社河及豐登屯西南曰乾灤河西去縣十五里白沙峯社有韭菜河通之皆乾河也

沙城社河縣東北二十里

龐家河縣東北五里

中淀河縣東北十二里

以上四河東灤河支流

介馬河縣西北二十七里

狼馬河縣東南二十五里

新寨河縣西南二十五里

以上清河支流

于家河縣東南二十五里

園子河縣西南十五里

高密河縣西南三十八里

謹案以上海支港又自戴家河以下俱係小溝夏

秋水盛乃通河身寬者不過尋丈狹則止數尺耳

蕭家灣縣北四里

栗家灣縣南八里

四溝港縣東南十五里

以上諸溝皆灤河之播而成者

黃坨縣西南三十里

黃家坨縣西南二十里

明福坨縣西北十里

舊鎮坨縣東北三里

葫蘆坨縣北二十五里

景家坨縣北五里

謹案灤人以平坡而蓄水者曰坨北方坨地涸瀦不常自規利者坨涸卽以成田灤河所經成坨樂亭尤多至若月坨石曰坨則在海中者也

乾灤河在昌黎縣

謹案永平府志昌黎無灤河考之元和郡縣志太

平寰宇記方輿紀要明統志諸書亦未載有灤河
惟昌黎縣圖有灤河一道灤河正流自樂亭入海
而支流衍漫而逕昌黎昌黎有急流河飲馬河潮
河七里海諸水皆不與之合惟西北有故槽一道
河套一處亦乾而爲枯槽矣其北有周家莊崖上
莊史家口近河套處有大桃園小桃園河身所逕
南爲蠡落莊又東南爲會家莊稍北而逕東者爲
黑正莊又南而逕東者爲常垞莊又逕東南爲林

家莊增福廟前河岸北爲尖角莊龍王廟又東北
爲王各莊下厰莊又東北爲才家沙屯王家莊又
東北爲天齊廟薛家莊跨河身有橋六座以通往
來

飲馬河自昌黎縣西北安山下東南流入境與灤河
流絕

謹案山海經繩水出碣石漢書志作編水在臨榆
縣南又系下有賓水南入於官永平府志爲緇爲

編爲賓乃昌黎縣西北之飲馬河也源自盧龍境
現河由黑石里田各莊與深江河合中流爲沙河
下流合潮河昌黎縣境圖云飲馬河出撫寧縣張
家田各莊入縣境恐誤據府志不隸撫寧在昌黎
縣境東南草廠莊長十四里從前積沙斷流河形
尙存乾隆二十八年二月內經朱令捐資疏濬現
在河流深寬又有虹橋河安山之水並各村瀝水
流入此河同歸飲馬河匯入七里海共長六十里

深江河在昌黎縣

方輿紀要源出縣西北三十里派山下滙諸水而南出縣西南十三里

繞灣河在昌黎縣

方輿紀要源出縣西五十里茶芽山繞而南經安山東麓亦名安山河東流入飲馬河

柳河在昌黎縣

方輿紀要柳河在縣西二十里諸山溪之水所滙

流也志云鳳凰道者諸山之水合焉梭頭灣流入
柳河逕縣西南八里分流爲兩河東至虹橋皆滙
於飲馬河

七里海在昌黎縣

方輿紀要溟海在縣南七十里海至縣界突然北
出七里而廣亦曰七里灘廣袤三十餘里有菱芡
魚蝦之利志云縣志有黑洋河卽海道也

潮河在昌黎縣

方輿紀要在縣南二十五里卽縣境羣川之下流也滙上源諸水以達於七里灘一名馬家河志云縣南二十里又有甜水河亦流入於七里灘

急流河卽沙河一名西沙河在昌黎縣春夏有水秋冬則涸

方輿紀要在縣城西一名西沙河源出龍潭山下
流合飲馬河入海

烏密河在昌黎縣春夏有水秋冬則涸由撫寧縣王

子峪流入縣境東北逕段家莊裴家堡楊家莊至單
家莊東入海共長四十里

深河在撫寧縣境發源自臨榆縣青石蘇子峪起至
砲上莊入境至南八里出境至戴家河口歸海計長
九十里

渝河在撫寧縣發源古瑞州起由紅量寺遶流入戴
河匯流歸海計長八十里

〔水經注〕白狼水又東北出東流為一水右水疑卽

渝水也渝水南流東屈與一水會世名之曰檻渝
水蓋戎方之變名耳疑卽地理志所謂候水北入
榆者也地理志曰榆水自塞南入海 方輿紀要
渝河在撫寧縣東二十里源出塞外發瑞州境東
南流至連峰山西一名獅子河出菱茨蒲魚爲民
利亦曰泥蒲河又南入於海漢志臨渝首受白狼
水水經注白狼水經黃龍城西又東北出東流爲
二水右水疑卽渝水也西南循山逕一故城西世

以爲河連城當卽臨榆故城矣渝關之稱以關據
河爲險也

沙河在撫寧發源猩猩峪起由榆關鎮西邊流入戴
河口歸海計長四十五里

謹案撫寧水發源多從邊徼之外深沙渝三河其
源雖異皆歸戴家河入海渝河見水經注深河不
載於府縣志而撫寧圖冊有之沙河之名不一昌
黎縣有西沙河卽急流河合飲馬河名同而實異

也

洋河卽陽河縣西里許源出界頭嶺口外別山流
經縣東南紫荆山下入海

方輿紀要陽河在撫寧縣西一里源出口外別坨
山一云縣北三十五里有星星峪卽陽河之源也
口北羣川多滙流於此南流經縣西又東南歷紫
荆山下復南流入海

謹案永平府志入洋河者又有張家莊水中桑水

箭桿水以爲皆漢志龍鮮水也又有界嶺河黑峪嶺諸水以爲皆水經封大川也龍鮮水封大水詳見陡河篇府志非也

賈家河發源口外花菓山并雜支嶺迤西流逕箭桿嶺賈家莊滙於洋河計長二十一里

謹案府志縣志俱不載此河圖冊有之

梁家灣河發源口外東峪西流逕梁家灣峪門口又西流逕王家莊董家莊迤南流至大新寨與洋河合

小紅河發源李陽峪北溝東流逕曹各寨又東南流
至密家莊與洋河合

雕崖河發源青山口北溝西南流又折而東逕平房
店草石峪合倒流河計長四十五里倒流發源自盧
龍縣屬腰站莊起至燕河莊入境遠流入雕崖河至
周各莊同入於洋河計長二十五里

松流河發源縣境之雙頂山北流逕安里又北流逕
荆子莊小所各莊大所各莊又折而東北流逕娘娘

廟又北流逕背陰鋪又北流逕茶棚庵蘆峰口鋪又北流逕李官營又北流逕曹東莊又北流逕石河又東流逕上伍營又東流逕前石河營後石河營又東流至田各莊合於洋河

謹案方輿紀要石河在山海關西三里源出口外自義院口流入旁多叢石水流石罅中褰裳可涉秋潦漲急險不可履南流注於海撫寧縣志石河在縣西北十二里源出雙望東山中逕背陰鋪至

石河莊東入洋河永平府志源出口外城源城子
谷過大小毛山及柳河諸堡而西爲石門下山海
南關外由八里鋪而西入關城石三里許紅花店
間自南關入者會之其石叢積柳罐有溫泉東南
而葦子而花場與東鞏子谷合其源出黑崖子入
由棒槌崖東下爲鴨子河凡四道會於石河則是
石河漚合諸水以經石河莊而名石河其實卽松
流河也

撥補嶺河發源撥補嶺在東北邊城外西流逕山神廟與石河合至義院口至邊境下流逕蟠桃峪胡家套入海計長八十里

中維嶺河發源與梯子嶺水合於山神廟匯流至義院口進邊至蟠桃峪由胡家套入石河計長七十五里入海

鴨子河發源瞭角山入九蓮河計長十七里

鞏固山河卽九蓮河逕九蓮洞合石河

謹案石河臨榆縣西水也發源邊外由北而入縣境上流受中羅嶺河至九蓮洞西受鴨子河東北受鞏固山河三河合流石河南注於海蓋石河自爲一河不與他水合也

湯河卽溫河發源西北邊牆內逕戴家莊南由黑石窯至腰站曲流匯諸河曲折南流逕湯河沿入海計長八十里

張果老河亦卽溫河

方輿紀要撫寧縣東五十里源山口外孤石峪旁
有溫泉堡裂頭諸山之水匯流於此分爲二支西
曰湯河東曰張果老河下流復合而入於海

湯泉寺水發源湯泉寺下向東流逕平山營匯流至
湯河入海計長七十五里

青山莊河發源青石山莊至腰站匯流至湯河下流
同入海計長五十五里

葦子港河發源葦子港至腰站匯流至湯河下流同

入海計長十五里

謹案湯河在石河之西其流凡三派而源則一也
不與石河合

楊樹村旱河在臨榆縣自邊外北境入邊城南流逕
平頂峪又南流逕查家莊又西流逕廟果山計長二
十里

馬蹄嶺旱河在臨榆縣自邊外東北境入邊城逕城
子峪西南流逕查家莊又西南流逕廟果山計長十

五里

盤道嶺旱河在臨榆縣自邊外東北境入邊城逕董家口西流逕半劈山又西流逕查家莊又西南流逕廟果山計長十七里

謹案以上旱河三道今乾涸無水縣志亦未載蓋皆無源之水山邊境而入以霖雨之久暫爲盈涸溝防蓄洩俱無所用也

馬尾把旱河自邊城內縣境東北逕南過九門城逕

東北入奉天寧遠州境計長七十里

謹案此河亦不載縣志故道雖存河流久涸

平頂山河在臨榆縣自邊外平頂山西南流逕窯山
入北水關沿城迤東過南門外內邊城內南翼城下
下流注於海計長三十里

臨榆縣志北水關河水原行潦由北水關穿長城
入橫西關廂南流入石河南水關原出關外東
北諸山由南水關穿長城入纖流如綫經雨潦概

洶湧嘴城稍西卽分流爲劉家河一爲邊家河俱歸潮河入海旱則涸

李家堡河無名源於一片石坑兒峪歸奉天老君屯河入海

飲馬河在石門寨北門外源於龍王廟下地泉

華家灣地距黃土營二里許冬夏不竭

石泉二在石碑莊

龍泉在白塔寺東距城三十里

煖泉在煖泉子莊土山下水性溫

北鋪新井在山海路署後圓味鹹

滿井在西城七十里百家共汲隨滿不竭

艾子井在駐標營北門外

黑水池在城內積潦所聚色如墨

蓮花池有三一在城東咽喉橋南一在橋北一在海

陽鎮上帝廟前

老峰潭在城東北隅邊城外

雙文井二在儒學明倫堂後

八角井在縣署射圃

馮家井在西羅城

新井在關外里許

苦水井在山海倉左側味甘

糖棒子井在三道衛衙

齊家井在角樓灣

義井在西關驛後

新泉井在西關三清觀前

大口井在東羅城

謹案以上皆見臨榆縣志

新河在熱河西乾隆三十六年開

謹案新河水本無源雨後則廣仁嶺獅子嶺諸山之水並集循山東赴至西紅橋轉而北又由東紅橋轉而南緣南山溝流入熱河溝道紆狹驟漲爲患

高宗純皇帝命內大臣三和等由南山下寬開河道長六百九十餘丈濶皆七丈深隨地形高下自三尺八寸至一丈二尺有差

隄防

鐵幡竿渠

元史郭守敬傳大德二年召守敬至上都議開鐵幡竿渠守敬奏山水頻年暴下非大爲渠堰廣五七十步不可執政吝於工費以其言爲過縮其廣三之一明年大雨山水下渠不能容

上都御河隄岸

元史河渠志延祐四年六月上都留守司言六月

一日城南御河西北岸爲水衝嘴漸至頽圯若不
修治恐來春泛溢漂沒居民又開平縣言四月二
十六日霖雨至二十七八日東關樂河水漲衝損
北岸宜擬修築乃委官督夫匠興役

樂河護水隄

元史河渠志延祐二年五月上都留守及本路總
管府言巡視大西關南馬市口樂河遞北隄侵嘴
漸崩不預治恐夏霖雨水泛貽害居民於是送都

城所丈量計用物修治又右丞相塔失帖木兒等
奏幹耳朶思住冬營盤爲灤河走凌河水衝壞將
築護水隄宜令樞密發軍供役從之

謹案開平城南門外一里卽灤河河岸東西護水
隄遺址至今尚存

盧龍縣護城隄在西門外向係官修自西門起至小
西門止長一里高一丈五尺乾隆五年修築

謹案元史大德五年八月十三日平灤路言六月

九日霖雨至十五日夜灤河與泚河三河並溢衝
圮城東西二處舊護城隄乃委吏部馬員外同都
水監官修之盧龍舊志云故事西南二隄歲加修
築一州四縣六衛皆有協濟近以時訕未舉日就
庫薄考輶志之時在順治十七年則盧龍之有護
城隄舊矣意卽元大德五年所築之隄也

驢糞溝隄埵

灤州志灤河離城十五里驢糞溝民修隄埵二百

九十丈

謹案元史河渠志泰定二年三月永平路屯田總管府言訪馬城東北五里許張家莊龍灣頭在昔有司差夫築隄以防灤水西南連清水河至公安橋皆本屯地分去歲霖雨水溢衝盪皆盡若不預修必致爲害工部移文都水監差濠寨泊本屯官及灤州官親詣相視督令有司差夫補築皆灤州境內之隄也

洋河東岸沙隄

撫寧縣志洋河東岸有沙隄二道乾隆十三年修築長四十八丈高一丈二尺寬二丈

〔謹案此隄專爲護洋河築

大沙隄在熱河二道河嘉慶四年增榆圍一路長二百三十丈

雙峯寺壩在承德府嘉慶七年修

黃姑屯壩在豐寧縣嘉慶十二年修

橋渡

羅案灤河
一年欽奉

御道經由橋座嘉慶十
諭旨見白河橋渡篇

黃臺橋在遷安縣西南灤河上距城八里通沙河
大路冬春爲橋夏秋以舟濟皆官爲之

十里橋石橋在遷安縣南三里河上通府大路

青龍橋距城六十里青龍河上劉家營東五里鹿尾
山西與盧龍界通臺頭營山海關大路

清河橋距城七十里冬春置夏秋撤

灤陽橋在灤河上距城百五十里冬春爲橋夏以

舟濟通喜峯口遵化州大路

三里橋在三里河上石橋三空明嘉靖中修

本朝順治五年重修乾隆二十一年復修增二空

新寨橋在三里河上建昌營大路

瓜村渡在遷安縣南灤河距城十二里通灤州大路

義船

商家莊渡在遷安縣南灤河距城十里民間小船

大寨渡在遷安縣西北灤河距城九十里通三屯營

大路

稔子渡在遷安縣西北灤河距城七十里

偏崖渡在遷安縣西北灤河距城八十里通羅家屯路

蔡家渡在遷安縣西灤河距城十里鄉民小船

夾河渡在遷安縣西灤河距城六里鄉民小船

永濟石橋在盧龍縣南關

小河橋在盧龍縣西門外里許漆河上秋冬爲橋春

夏以舟濟

大河橋卽灤河橋在盧龍縣西門外十里與小河橋

同

謹案一統志灤陽橋在府城西南七十里卽大河橋也府志作澈河橋

北門大街橋

新城街橋

下水關橋今廢

謹案三橋俱在盧龍城內皆磚橋

漆河渡在盧龍縣西門外

石梯子渡在城西南十里

虎頭石渡在城南十里

念經河渡在城東北三十里

謹案盧龍諸渡灤漆皆經不專於灤河灤河所經者在境內則分水嶺塔盤山下少君山垞上莊夷齊廟洞山龐家崖柏家莊石梯子莊虎頭石周王

圈雪峯山空龍山諸處但石梯子虎頭石爲津渡
其餘無渡口可稽耳

巖山橋在灤州城南五里

公安橋在城南九十里

榆關橋在州南五十里

龍塘橋在州南二十七里

八里橋在州西八里

波落橋在州南三十里

歇駕橋在州南五十里

沂河橋在州南二十五里

通津橋在州南六十里

龍堂橋在州西南一百里

謹案永平府志載灤州諸橋尙有南門外石橋御

駕橋清水河橋

馬城渡在灤州南二十里

偏涼汀渡在州北五里

北釋院渡在州東四里

邊落灣渡在州南九十里

甯家莊渡在州東南二十八里

謹案永平府志所載尚有橫河夏渡

崇信橋在樂亭縣城中明萬曆間知縣潘敦復建

布德橋在縣城東門外建置同上乾隆二十年易以

石

阜民橋在縣城南門外建置同上乾隆十四年易以

石

迎恩橋在縣城北門外建置同上乾隆十年易以石
仁政橋在縣城北門外建置同上乾隆十九年知縣
陳金駿重修

務農橋在演武廳北建置同上

嵩林社橋在縣東十五里

栗亭灣橋在縣南八里康熙十八年建

鄭家橋在縣西三十里今廢

湯家橋在縣東南二十五里又南爲常家河橋

解家橋在縣西北三十五里久廢

清河橋在縣西北三十里久廢

商家社橋在縣北六里久廢

汀流河渡在樂亭縣西北二十三里

邊流河渡在縣西十四里

馬各莊渡在縣西南十五里

松林渡在縣西南八十里

畢家渡在縣西南十里

陳家渡在縣西南十八里

甸子渡在縣西十八里

常各莊渡在縣西二十里

鄭家橋渡在縣西三十里

石家坨渡在縣西南三十五里

馬頭營渡在縣西南三十五里

套裡渡在縣東南三十七里

謹案以上諸渡惟汀流渡二處係通衢大路其渡夫工食船隻皆由縣捐發其餘皆民間自用漁舟接渡

楊家莊渡在縣西南十二里

李家莊渡在縣南十八里

明師垞渡在縣西北十里

謹案以上三渡見灤州志樂亭縣志不載

柳河橋在昌黎縣城西二十里今廢

梭頭灣橋在縣城西三十里

槐家店橋在縣城西五十里

石橋在縣城西八里

虹橋在縣城南八里金時建楚孔生重修

灤河渡在縣城西七十里

謹案永平府志所載昌黎縣有獅子渡

陽河橋在撫寧縣陽河上共有七橋水至則撤

鍾家莊橋在縣東三里

渝河橋在縣東二十里

李官營石橋在海洋北三里

程家庄橋

棲霞橋在撫寧舊縣北二里

謹案以上諸橋皆見永平府舊志

祠廟

龍王廟在喀喇河屯

盧龍縣龍王廟在城南三里

樂亭縣龍王廟有三一在城北三里明萬曆間知縣張鎰重修

本朝康熙七年闔邑士民重修一在縣西南八里并各莊明萬曆間重修一在新河套

本朝康熙三十年修

昌黎縣龍王廟在縣城西南

撫寧縣龍王廟在縣西門外明知縣徐汝孝建後廢
本朝康熙七年知縣王文衡重建

天妃宮在臨榆縣永佑寺西乾隆八年

御書賜額十九年知縣鍾和梅修

臨榆縣龍王廟一在寧海城西乾隆十九年知縣鍾
和梅建一在寧海城內一在石河之濱一在西羅城
海神廟在臨榆縣南海口初通海運時建萬曆十二

年主事王邦俊修

水利

明徐貞明潞水客談遷安縣北徐流營山下湧出五泉合流入桃林河又三里橋湧泉流出灤河又蠶姑廟湧泉成河與灤河夾河皆可田之地盧龍縣燕河營湧泉成河及營東五泉湧漫四出至張家莊撫寧縣西臺頭營河流亦自燕河營湧泉而來皆可田自西以東如豐潤縣南則大寨及刺榆垞史家河大王莊之地東則榛子鎮西則鴉洪橋夾河五十餘里皆

可田羅案榛子鎮今隸濼州

又瀕海可田則自水道沽關黑崖

子墩起至開平衛南宋家營之地東西度之百餘里
南北度之八十里皆隸豐潤其他與吳越瀕海之沃
區相等

明史徐貞明傳永平濼州抵滄州慶雲地皆萑葦土
實膏腴元虞集欲於京東濱海地築塘捍水以成稻
田若依集意招徠南人俾之樹藝北起遼海南濱青
齊皆良田也

本朝雍正四年興修水利設水利局先之灤玉諸州邑
一曰京東局統轄豐潤玉田薊州寶坻平谷武清灤
州遷安自白河以東凡可營田者咸隸焉

遷安縣營田

畿輔通志徐流營三里河泉莊等處營田引徐流
河三里河黃山泉河之水仍洩水於本河案灤河
入口邑首受之源高勢猛引用爲難然各屬支河
藉以滙歸故少漲溢之患而涓滴皆農田之資前

人論列甚悉今委員相度圍堰渠閘隨宜布列分
引灌溉田成千六百畝次第擴充人力修而地利
盡矣雍正四年縣治東北三里河徐流營西北雲
峯寺等處營治稻田共一十二頃七十八畝四分
五年縣治西北泉莊營治稻田共二頃五十畝東
南丁家泉平陂營盧溝堡磨眼泉等處農民自營
稻田九十九畝

灤州營田

畿輔通志再各莊孟家店黃家莊等處營田引沂
河煖泉暨福山泉館水仍洩水於本河案藥州地
平而潤水清而駛泉流縈帶土岡環繞無處非水
耕火耨之區今先於其易者設閘疏渠萊蕪悉成
稔稻若逐加搜滌壅節宣播其利不可勝窮也雍正
四年州治墪河沿王家店老新莊蘇家莊等處
營治稻田共八頃十一畝農民自營稻田二頃十
九畝州收朱煌營稻田十三頃五畝三分六年州

治梅莊營治稻田二頃七十七畝農民自營稻田
五十畝七年州治西北孟家店等處營治稻田共
三頃十九畝七分九年改旱田五頃二十八畝二
分